

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10) a u vezi sa članom 23. i članom 51. Zakona o izvršavanju budžeta Zeničko-dobojskog kantona za 2015. godinu („Službene novine Zeničko-dobojskog kantona“, broj /15), na prijedlog Ureda premijera, Vlada Zeničko-dobojskog kantona, na 5. sjednici, održanoj 14.04.2015.godine, d o n o s i

ZAKLJUČAK

o usvajanju Programa utroška finansijskih sredstava sa razdjela 11 – Ured premijera, budžetska organizacija 01, potrošačka jedinica 001, Budžeta Zeničko-dobojskog kantona za 2015. godinu, pozicija „Tekući transferi i drugi tekući rashodi“

I.

Usvaja se Program utroška finansijskih sredstava sa razdjela 11 – Ured premijera, budžetska organizacija 01, potrošačka jedinica 001, Budžeta Zeničko-dobojskog kantona za 2015. godinu, pozicija „Tekući transferi i drugi tekući rashodi“ u ukupnom iznosu od 1.133.000,00 KM (slovima: jedanmilijonstotridesettrih hiljade KM), i čini sastavni dio ovog zaključka.

II.

Sredstva iz Programa iz tačke I. zaključka realizovat će se u skladu sa odobrenim mjesečnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom Vlade.

III.

Sredstva iz člana I. ovog zaključka koristiće se po prijedlogu Ureda premijera, na osnovu akta kojeg donosi Vlada.

IV.

Zadužuju se Ured Premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti.

V.

Zaključak stupa na snagu danom donošenja.

Broj: 02-_____/15.

Datum, 14.04.2015. godine

Z e n i c a

PREMIJER

Miralem Galijašević

DOSTAVLJENO:

1x Ured premijera,

1x Ministarstvo finansija,

1x a/a.

PROGRAM

**utroška finansijskih sredstava sa razdjela 11 – Ured premijera, budžetska organizacija 01,
potrošačka jedinica 001, Budžeta Zeničko-dobojskog kantona za 2015. godinu, pozicija
„Tekući transferi i drugi tekući rashodi“**

Zenica, april 2015. godine

I UVOD

1. Pravni osnov za donošenje Programa

Vlada Zeničko-dobojskog kantona na 2. Sjednici održanoj 23.03.2015. godine utvrdila Prijedlog Budžeta Zeničko-dobojskog kantona za 2015. godinu, kao i Prijedlog Zakona o izvršavanju Budžeta Zeničko-dobojskog kantona za 2015. godinu.

Na 6. sjednici Skupštine Zeničko-dobojskog kantona, održanoj dana 30.03.2015. godine, Skupština je donijela Budžet za 2015. godinu u zakonski predviđenom roku, (do 31.03.2015. godine) imajući u vidu da je krajem 2014. godine donesena Odluka o privremenom finansiranju Kantona.

Također je donesen i Zakon o izvršavanju budžeta Zeničko-dobojskog kantona za 2015. godinu. U navedenom Zakonu u članu 23. precizirano je da će se „sredstva utvrđena na razdjelu 11, budžetska organizacija 01, potrošačka jedinica 0001 Budžeta – Ured premijera – Pozicija „Tekući transferi i drugi tekući rashodi“, koristiti će se prema Programu utroška koji donosi Vlada Zeničko-dobojskog kantona“.

U istom Zakonu u članu 51. Stav (3) precizirano je da su „Bitni elementi programa su: naziv programa, svrha programa, visina sredstava, izvori iz kojih će se finansirati, kriteriji i naziv pravnog ili fizičkog lica koje prima transfer“.

2. Ciljevi Programa

Vlada Zeničko-dobojskog kantona da ovim Programom, u skladu sa svojim ovlaštenjima i u budžetu planiranim sredstvima, želi da:

- da materijalnu podršku projektima i manifestacijama u organizaciji organa i institucija kantona, kao i onim predloženim od strane civilnog sektora (udruženja, organizacije i pojedinci), čije finansiranje nije predviđeno u okviru drugih programa, a značajni su za građane, institucije i organe Zeničko-dobojskog kantona;
- podrži projekte organizacija i pojedinaca u oblasti kulture, sporta, nauke, umjetnosti, kao i značajne manifestacije i projekte za očuvanje i promociju historijskih i državnih tekovina;
- obuhvati projekte i manifestacije koji su i ranijih godina podržavani od strane Vlade Zeničko-dobojskog kantona i na taj način postali tradicionalni i prepoznatljivi za užu i širu društvenu zajednicu;
- kandidirani projekti/programi daju doprinos jačanju nacionalne i vjerske tolerancije;
- da stimuliše pojedince a posebno mlade na postizanje što većih rezultata na planu nauke, sporta, kulture i drugih područja;
- da doprinos uspješnom prezentiranju i afirmaciji Zeničko-dobojskog kantona, Federacije Bosne i Hercegovine i Bosne i Hercegovine u okruženju i svijetu.

3. Kriteriji (opšti) za dodjelu sredstava

Kriteriji (opšti) za dodjelu sredstava :

- da imaju stalno prebivalište ili sjedište, odnosno boravište na području Zeničko-dobojskog kantona;
- da Udruženje ili organizacija ima sjedište na području Zeničko-dobojskog kantona i da je najmanje godinu dana od dana apliciranja za sredstva upisana u Registar neprofitnih organizacija;
- kvalitet kandidiranih projekata/programa produkcije, prezentacije i afirmacije kulturnog i umjetničkog stvaralaštva;
- kontinuiranost projekta i njegova tradicijska osnova (projektne aktivnosti koje imaju dugoročni učinak i održivost);
- regionalna i nacionalna zastupljenost;
- visina procenata ulaganja u program/projekat od strane drugih nivoa vlasti, inozemnih ili domaćih

- partnera u kreiranju i realiziranju programa/projekata te sačinjeni predugovori;
- do sada dobijene nagrade i priznanja na domaćem i međunarodnom planu;
- značaj koji projekti i programi imaju u pogledu predstavljanja Kantona, Federacije Bosne i Hercegovine i same Bosne i Hercegovine kao eminentne kulturne sredine;
- korisnik sredstava treba da osigura transparentnost utroška odobrenih sredstava, te eventualno omogućiti kontrolu utroška sredstava,

Napomena : Posebni kriteriji za dodjelu sredstava dati su uz svaki Program!

4. Planirana sredstva u Budžetu za realizaciju Programa

U Budžetu Zeničko-dobojskog kantona na razdjelu 11, budžetska organizacija 01, potrošačka jedinica 001, ekonomski kod 6143000, pozicija „Tekući transferi i drugi tekući rashodi“ za ove namjene planirana su sredstva u iznosu od 1.133.000,00 KM.

Planirana sredstva za projekte sa Tekućih transfera i drugi tekućih rashoda u Budžetu Zeničko-dobojskog kantona za 2015. godinu raspoređuju se na sljedeće Programe:

Ekon. kod	Tekući transferi i drugi tekući rashodi	Budžet 2015	Donacije	Ukupno
614100	1. Tekući transfer općinama za elementarne nepogode	0,00	1.028.000,00	1.028.000,00
	2. Tekući transfer drugim nivoima vlasti	5.000,00		5.000,00
614200	3. Tekući transfer za posebno nadarene i talentovane mlade	15.000,00		15.000,00
	4. Tekući transfer pojedincima	35.000,00		35.000,00
614300	5. Tekući transfer neprofitnim organizacijama	50.000,00		50.000,00
Ukupno		105.000,00	1.028.000,00	1.133.000,00

Sredstva iz Programa utroška finansijskih sredstava, sa razdjelu 11 – Ured premijera, budžetska organizacija 01, potrošačka jedinica 001, Budžeta Zeničko-dobojskog kantona za 2015. godinu, pozicija „Tekući transferi i drugi tekući rashodi“, realizovat će se donošenjem odgovarajućih akata (Odluka i Zaključaka o odobravanju sredstava od strane Vlade Zeničko-dobojskog kantona) u skladu sa odobrenim mjesečnim operativnim planovima potrošnje, usklađenih sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom Vlade.

II PROGRAMI

2.1. Program **1** TEKUĆI TRANSFER OPĆINAMA ZA ELEMENTARNE NEPOGODE

Rb.	Elementi Programa	Opis programa
1.	Naziv programa:	TEKUĆI TRANSFER OPĆINAMA ZA ELEMENTARNE NEPOGODE
2.	Svrha Programa:	Pomoć građanima i poslovnim subjektima Zeničko-dobojskog kantona putem općina Kantona koje su se zadesile prirodne i druge nesreće (poplave, klizišta, požari i druge prirodne nesreće.
3.	Visina sredstava:	Sredstva u iznosu od 1.028.000,00 KM se raspoređuju na nezavršene projekte iz 2014. godine: – 700.000,00 KM općini Žepče na ime realizacije projekta obnove putne infrastrukture na pravcu Golubinja – Željezno polje; – 300.000,00 KM (slovima: tristotinehiljada konvertibilnih maraka), Općini Zenica na ime sanacije putog pravca Nemila – Bistričak; – 28.000,00 KM općinama Zeničko-dobojskog kantona za završetak projekta dodjele pomoći poslovnim subjektima sa područja Zeničko-dobojskog kantona (14 korisnika x 2.000,00 KM)

4.	Izvori sredstava:	Budžet Zeničko-dobojskog kantona za 2015. godinu – Sredstva su donacija Zeničko-dobojskom kantonu od strane Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine. Sredstva su namjenska i u druge svrhe se ne mogu koristiti!
5.	Kriteriji i način dodjele:	Vlada Zeničko-dobojskog kantona je poslije prirodnih nesreća u maju 2014. Godine formirala Komisiju za utvrđivanje šteta od prirodnih nesreća (poplava, klizišta), što predstavlja osnovni kriterij za raspodjelu sredstava dobijenih od Federalnog fonda za pomoć. Općine Zeničko-dobojskog kantona po primitku Odluka od strane Vlada Zeničko-dobojskog kantona i Fonda same utvrđuju kriterijume i putem vlastite Komisije vrše dalju raspodjelu sredstava o čemu na kraju informišu Vladu Zeničko-dobojskog kantona putem odgovarajućih izvještaja o utrošku.
6.	Primaoci transfera	Općine Zeničko-dobojskog kantona, poslovni subjekti s područja Zeničko-dobojskog kantona

2.2. Program 2 TEKUĆI TRANSFER DRUGIM NIVOIMA VLASTI

Rb.	Elementi Programa	Opis programa
1.	Naziv programa:	TEKUĆI TRANSFER DRUGIM NIVOIMA VLASTI
2.	Svrha Programa:	Pomoć općinama Zeničko-dobojskog kantona kod organizovanja zajedničkih projekata od općeg društvenog značaja.
3.	Visina sredstava:	5.000,00 KM
4.	Izvori sredstava:	Budžet Zeničko-dobojskog kantona za 2015. godinu
5.	Kriteriji:	Osnovni kriterij je značaj koji projekti i programi iz oblasti kulture, sporta, nauke i ostalih oblasti društvenog života imaju u pogledu predstavljanja općina, Kantona, Federacije Bosne i Hercegovine i same Bosne i Hercegovine kao eminentne sredine za život.
6.	Način dodjele:	Načelnici općina i gradova Zeničko-dobojskog kantona se pismeno obraćaju Premijeru Zeničko-dobojskog kantona za dodjelu sredstava, koji razmatra i ocjenjuje prezentirani projekat, te upućuje odgovarajući akt (Prijedlog zaključaka o odobravanju sredstava) na Vladu Zeničko-dobojskog kantona koja odobrava ili ne odobrava isplatu sredstava
7.	Primaoci transfera	Općine Zeničko-dobojskog kantona

2.3. Program 3 TEKUĆI TRANSFER ZA POSEBNO NADARENE I TALENTOVANE MLADE

Rb.	Elementi Programa	Opis programa
1.	Naziv programa:	TEKUĆI TRANSFER ZA POSEBNO NADARENE I TALENTOVANE MLADE
2.	Svrha Programa:	Stimulisanje mladih na postizanje još boljih rezultata u radu u oblastima obrazovanja, nauke, sporta i društvenog-političkog života. Pomoć za nastavak školovanja i obavljanje studentske prakse u inostranstvu.
3.	Visina sredstava:	Ukupno 15.000,00 KM , raspoređuje se na sljedeće pozicije u programu:
		Podrška mladim iz oblasti kulture i sporta 3.000,00
		Podrška mladim u procesu obrazovanja 7.000,00
		Podrška organizacija mladih 3.000,00
		Sredstva rezerve 2.000,00
4.	Izvori sredstava:	Budžet Zeničko-dobojskog kantona za 2015. godinu

5.	Kriteriji:	Ovaj program posvećen je mladima starosti od 7 do 28 godina, koji treba da pored općih ispunjavaju i sljedeće posebne kriterije: – da su uspješni u oblastima (obrazovanje, nauka, kultura i sport) za koje im se dodjeljuju sredstva; – da su svojim radom primjer drugim mladima i da promovišu društvene vrijednosti kao što su primjerno vladanje, marljivost i predanost radu, ambicioznost i sl.; – da aktivno djeluju u društvu uz edukaciju za demokratiju i izgradnju civilnog društva; – da ostvaruju rezultate na takmičenjima, smotrama i drugim okupljanima mladih na području Zeničko-dobojskog kantona, Bosne i Hercegovine i inostranstva; – da dostojno promovišu Zeničko-dobojski kanton na svim okupljanjima mladih kako u zemlji tako i inostranstvu;
6.	Način dodjele:	Pojedinci i organizacije mladih sa područja općina i gradova Zeničko-dobojskog kantona se pismeno obraćaju Premijeru Zeničko-dobojskog kantona za dodjelu sredstava, koji razmatra upućuje odgovarajući akt (Prijedlog zaključaka o odobravanju sredstava) na Vladu Zeničko-dobojskog kantona koja odobrava ili ne odobrava isplatu sredstava
7.	Primaoci transfera	Pojedinci i organizacije mladih sa područja Zeničko-dobojskog kantona

2.4. Program **4** TEKUĆI TRANSFER POJEDINCIMA

Rb.	Elementi Programa	Opis programa
1.	Naziv programa:	TEKUĆI TRANSFER POJEDINCIMA
2.	Svrha Programa:	Nagrađivanje pojedinaca za postignute rezultate u svim oblastima života. Pomoć pojedincima koji se nalaze teškoj situaciji i kada nisu primili pomoć od drugih budžetskih korisnika.
3.	Visina sredstava:	35.000,00 KM
4.	Izvori sredstava:	Budžet Zeničko-dobojskog kantona za 2015. godinu
5.	Kriteriji:	Ovim Programom Vlada Zeničko-dobojskog kantona (u daljem tekstu: Vlada), u skladu sa svojim ovlaštenjima i u Budžetu za 2015. godinu planiranim sredstvima, želi: – nagraditi i stimulirati pojedince koji su svojim radom i zalaganjem postigli određene rezultate u svim oblastima društvenog života (sport, umjetnost, inovacije i slično); – dati materijalnu pomoć pojedincima (osobama) kojima je ta pomoć potrebna, a čije finansiranje nije obuhvaćeno finansiranjem drugih budžetskih korisnika.
6.	Način dodjele:	Pojedinci sa područja općina i gradova Zeničko-dobojskog kantona se pismeno obraćaju Premijeru Zeničko-dobojskog kantona za dodjelu sredstava, koji razmatra upućuje odgovarajući akt (Prijedlog zaključaka o odobravanju sredstava) na Vladu Zeničko-dobojskog kantona koja odobrava ili ne odobrava
7.	Primaoci transfera	Pojedinci mladih sa područja Zeničko-dobojskog kantona

2.5. Program 5 TEKUĆI TRANSFER NEPROFITNIM ORGANIZACIJAMA

Rb.	Elementi Programa	Opis programa	
1.	Naziv programa:	TEKUĆI TRANSFERI NEPROFITNIM ORGANIZACIJAMA	
2.	Svrha Programa:	Vlada Zeničko-dobojskog kantona da ovim Programom, u skladu sa svojim ovlaštenjima i u budžetu planiranim sredstvima, želi da: - da materijalnu podršku projektima i manifestacijama u organizaciji organa i institucija kantona, kao i onim predloženim od strane civilnog sektora (udruženja, organizacije i pojedinci), čije finansiraje nije predviđeno u okviru drugih programa, a značajni su za građane, institucije i organe Zeničko-dobojskog kantona; - podrži projekte organizacija i pojedinaca u oblasti kulture, sporta, nauke, umjetnosti, kao i značajne manifestacije i projekte za očuvanje i promociju historijskih i državnih tekovina; - kandidirani projekti/programi daju doprinos jačanju nacionalne i vjerske tolerancije; - da doprinos uspješnom prezentiranju i afirmaciji Zeničko-dobojskog kantona, Federacije Bosne i Hercegovine i Bosne i Hercegovine u okruženju i svijetu.	
3.	Visina sredstava:	Ukupno 50.000,00 KM, raspoređuje se na sljedeće pozicije u programu:	
		Finansiranje kulturnih i vjerskih manifestacija	25.000,00
		Finansiranje sportskih manifestacija	10.000,00
		Finansiranje svečanih akademija	10.000,00
		Sredstva rezerve	5.000,00
4.	Izvori sredstava:	Budžet Zeničko-dobojskog kantona za 2015. godinu	
5.	Kriteriji i način dodjele:	Kroz ovaj Program Vlada Zeničko-dobojskog kantona će podržati projekte, programe i manifestacije koji, pored općih kriterija, zadovoljavaju i sljedeće kriterije: - da projekti obilježavaju značajne datume vezane za državnost Bosne i Hercegovine imaju za cilj očuvanje i njegovanje tradicija oslobodilačkog rata, da su postali tradicionalni, te da uživaju ugled i interes kod javnosti kroz organizovanje akademija, marševa, posjeta istorijskim mjestima, organizaciju susreta i sportstkih (memorijalnih) turnira. - da su sportske manifestacije od posebnog interesa za Kanton, Federaciju Bosne i Hercegovine i samu Bosnu i Hercegovinu, i da kroz kontinuitet održavanja (tradicionalnost) sportskih manifestacija doprinose popularizaciji i podizanju kvaliteta i razvoja sport, - da projekti koji prezentiraju i promoviraju kulturu i umjetnost posjeduju kvalitet projekata i programa produkcije, prezentacije i afirmacije kulturnog i umjetničkog stvaralaštva sa ciljem podizanju općeg kulturnog nivoa građana.	
6.	Primaoci transfera	Udruženja i organizacije koje ne ostvaruju zaradu izvođenjem projekata i predloženih Programa sa područja Zeničko-dobojskog kantona	

III ZAKLJUČNA RAZMATRANJA

3.1. Potrebna dokumentacija:

Organizacije koje apliciraju za dodjelu sredstva, dužna su dostaviti uz zahtjev za dodjelu sredstava i sljedeću dokumentaciju:

1. Sredstva će se odobravati na osnovu podnesenih zahtjeva za dodjelu sredstava sa kratkim opisom programa utroška sredstava za održavanje manifestacija;
2. Dosadašnje reference od dana osnivanja do dana podnošenja zahtjeva, odnosno iskustvo provođenju projekata i manifestacija;
3. potvrda od nadležne banke da transakcijski račun udruženja nije blokiran u zadnjih šest mjeseci;
4. ID broj;
5. podnosilac zahtjeva treba osigurati uslove da je program ili projekt osmišljen na način da je moguće kontrolisati i nadzirati provođenje aktivnosti i potrošnju odobrenih finansijskih sredstava;

3.2. Obaveza izvještavanja i transparentnost u trošenju sredstava

Sredstva iz programa se odobravaju zaključkom Vlade, u kome će se utvrditi obaveza korisnika sredstava, da poslije okončanog projekta ili manifestacije, u roku od 30 dana dostavi Uredu premijera izvještaj o utrošku sredstava.

IV ZAKLJUČAK

Vlada Zeničko-dobojskog kantona će nastojati na najbolji mogući način vršiti dodjelu sredstava, vodeći računa o dinamici punjenja Budžeta i ograničenjima u potrošnji budžetskih sredstava.

Za realizaciju izvršenja programa, kao i praćenje pravilnosti i dinamike utroška sredstava zadužuje se Ured premijera.

Broj: 02-_____/15.

Datum, 14.04.2015. godine

Z e n i c a

PREMIJER

Miralem Galijašević

DOSTAVLJENO:

1x Ured Premijera,

1x Ministarstvo finansija,

1x a/a.